



SCOLA MEDIA D'INFORMATICA (SMI)

La scola media d'informatica cumbinescha ina scolaziun orientada a la professiun en il sectur dal svilup d'applicaziuns ed ina formazion da savida generala vasta. Quella scolaziun sa drizza a scolaras e scolars cun bunas prestaziuns che van gugent a scola e che han grond interess per informatica ed economia. La scola media d'informatica suonda a la terza classa dal stgalim secundar I e dura en tut quatter onns. Quels sa cumponan dad ina formazion scolastica da 3 onns e dad in praticum professiunal dad 1 onn suenter la formazion scolastica. La formazion maina a l'**attestat federal da qualificazion informaticra u informaticher AFQ** en direcziun svilup d'applicaziuns sco er a la **maturitat professiunala en direcziun economia e servetschs**, tip economia. Questa scolaziun vegn purschida en il Grischun da las suandardas scolas:

Center da formazion Surselva, Glion www.bzs-surselva.ch

Scola chantunala grischuna, Cuira www.bks.gr.ch

Scolaziun

La formazion d'informatica cuntegn 24 moduls à 40 lecziuns durant la scola a temp cumplain. Ultra da quai visitan ils scolars/las scolaras durant il temp da scola 7 curs à 5 dis ordaifer il manaschi.

Il plan d'instrucziun cuntegna per regla ils suandardas roms:

Roms fundamentals

Emprima lingua naziunala (Deutsch, rumantsch / Deutsch, italiano)

Segunda lingua naziunala (tedesco, franzos, talian)

Terza lingua (englais)

Matematica

Roms d'accent

Finanzas e contabilitad
Economia e dretg

Roms cumplmentars

Istorgia e politica

Tecnica ed ambient

Roms d'instrucziun supplementars

Cumpetenzas d'informatica
Sport

Practicum

Tut tenor purschida ha gia lieu in emprim praticum durant ils emprims trais onns da scolaziun. Quel dura ca. 20 dis. Durant il quart onn absolvyan las scolaras ed ils scolars in praticum da lunga durada che cumpiglia 220 dis. Uschè han els la pussaivladad da duvrar ils cuntegns ch'els han emprendi en scola a moda pratica durant in praticum en in manaschi e pon uschè approfundar lur savida. Ils scolars/las scolaras tschertgan sezs lur piazza da praticum. Els vegnan dentant sustegnids da la scola tar la tschertga e durant il praticum. La paja mensila da praticum monta ca. tranter CHF 1'400 e CHF 1'500.

Admissiun

Per l'admissiun ad ina scolas media d'informatica SMI sto vegnir dumagnà in examen d'admissiun chantunal unitar ad ina scola media grischuna. L'examen d'admissiun chantunal è reussì sche la media da l'examen cuntanscha la valur 4.00 e sche las divergenzas da las notas dals roms d'examen vers engiu cun la nota 4.00 n'importan betg dapli che 1.50 puncts.

Examinads vegnan ils sustants roms: emprima lingua (tudestg, rumantsch u talian), englais, aritmetica, algebra e geometria. Ils examens pon vegnir absolvids en la 2. u en la 3. classa da la scola superiura.

In'admissiun a l'examen d'admissiun chantunal è pussaivla fin e cun quel onn chalendar, en il qual la candidata u il candidat daventa maioren.

Per las candidatas ed ils candidats da la 2. classa secundara quinta la nota d'admissiun sco ulteriura nota da rom. Quella vegn calculada ord la media da las notas dals roms geografia, istoria, natura e tecnica, furmar creativ, musica, sco era moviment e sport dal emprim semester da la 2. classa secundara.

S'inscriver per ils examens d'admissiun pon ins sut il suandard link: www.zap.gr.ch. Ulteriuras infurmaziuns davart l'examen d'admissiun sa chattan sin la pagina d'internet da l'Uffizi per la furmaziun media-superiura (www.ahb.gr.ch).

La scolaziun cumenza dentant en mintga cas pir suenter la 3. classa superiura.

Midada en la scola media commerziale, spezialisada u gimnasiala

Las scolas medias pon admetter scolaras e scolars sin il cumenzament da l'onn da scola ad ina partizun da scola media senza ch'els fetschian in examen d'admissiun chantunal. Las condizioni d'admissiun per quest intent vegnan regladas en l'ordinaziun davart la procedura d'admissiun a las scolas medias (vesair www.ahb.gr.ch).

Pussaivladads da sa furmar enavant

L'attestat federal da qualificaziun informaticra u informaticher AFQ possibilitescha l'access direct en la pratica professiunala u l'access ad ina scola spezialisada superiura SSS en il sectur d'informatica.

La maturidad professiunala possibilitescha l'access a scolas autas spezialisadas SAS sco er ad ina scola auta da pedagogia u via ina ulteriura passarella a l'universitat cun in modul cumplementar (examen da passarella).

► Ulteriuras infurmaziuns

e sustegn obtegnais Vus en il BIZ. L'adressa dal BIZ en Vossa vischinanza chattais Vus sut:

www.berufsbildung.gr.ch → Rumantsch → Sur da nus → Lieu ed addressa → Cussegliaziun da professiun, da studi e da carriera, mail: biz@afb.gr.ch